

# LA CÔNTROLA DU PACIAFURNËLL E DÉ SCIÜSCIE

*Letizia Provenzale e Claudia Claretto (Novalesa - To)*

*1<sup>a</sup> Classificata - pari merito*

**D**'in ūn pciöt paisot dé la Val-d'Löns caciō u muiëtēn' d'lé hoté müntigné, i-astavé Michel. Un garsunét che u l'avët maché dösion' e ché pré gagnesé sun' vivré u fasët lu paciafurnëll.

Tö sulét u sé tramuavé da un pají a lotro, avü sarzjié sü lé sélalé, lé côrde e le rigné ché u ero si moblo du mistiié, an bran-dén asé sun sacapön avü tö sun ücüpazo.

Pasavé pré zémin e ruajié an brélén': Paciafurnëll! Paciafurnëll!

Mal zübiä e mal véhü u marcevé lëst pré viôl e mulacéré e bién' suvén' avü lu ghljie e la néi.

Michel u l'avët pamé ne paré ne maré e u l'aviunt arabastä üna cublå de visin de mujiun', dué véoüt un'avueré brunzahü ma dé bôn côr; u gli aviun murä a senä le tréfulé, muësciunä l'érba e a rumahjié lu furnell; ma ūn pôrô dzört asé gliur u sé na sùnt alä liscénlo sulét d'in sô pciotà mujiun' avu la fénerotà ché avuitavé lu gurzé ché déséndét an - gôrgôglién s'lé rozé tra li buësciun'.

Tra le zosé ché u l'avët amprën a faré, u l'ët décédü dé béta-sé a faré lu paciafurnëll...; u fasët pen-nà a lé zén' a vë giralo megro e pati pré hì zémin' avü sô viëgljié sciarpà rusà ché l'ar-paravé dai tempël, si sulâ trô grén e lu croï zapëll pré travërs s'lô tehà e, sargiö dé si arnéis; la pell nêre dé sciüscié maché avu gli uégl' chliéer e treluisén'...

Un vehro antùrnésésén' a sô mijiun i sét betä a nêvré a grô flöccch e tôt an-in cõl u l'ët sentü un zémô da un buësciun': truplön, truplön u l'ët ivert le ron-mé e u l'ët vü un pciöt cagnot blön', u sé l'ët prén' din si bre ancarégliénglié lu pëll burahü, e a lisciesé brélécasé la facia' da la pciöta lenga tebié.



Michel, hlō biota da hē zōrt se lēt pe dlun ménā avű gliué d'in si pèligrinazo tra paji, zémin' e mujiun' ante-ché u trovavé da mingesé carchi crucio de pön' e carchi cōl asé ūn ôss.

Tramanti ché Michel u travaglievé s'li tětt e u sparët ba pré lu furnëll, lu cagnot l'atëndet pasciént' azahjià s'li salè d'pera'.

Ūn zōrt Michel u lē vulü pôrtalo aséu gliué inot sù lu tett, la biota cûriusà gliet vulü avuitâ sun metré che u désëndét ba pré lu furnëll, ma... gliët ahigliö e asé gliët frénì ba pré lu purtür adoss a Michel...

Chinché aruă u fun, u sùnt súrtü-ti ti dué ansciüscia e la facià e li mõn dé Michel u iero nere comé sõmpré, ma la burà blönzé du zi-n'... glié eré dívénua tò néré, maché in pciö' nà u l ét asta rösà.

Michel u l'avuitavé raví e u gliët trôvâ un nô-n da bétaglié: da hē mumen l'arët pe dlun mandâ "Sciüscié".

Versione in italiano a pag. 279 - Fuliggine la leggenda dello spazacamino.

